

荆州萬城隄志

卷七卷八



03846

荊州萬城隍志卷七

官守上

題名

此卷督撫司道守丞營弁姓名籍貫皆宜從乾隆戊申以後記起茲並闕之謹以俟攷



其後歷以保固十年督撫則分年巡守焉立法已為嚴密

道光十三年因亂委署令不能得力疏請改

土酋亦由郡守督

將軍嗚乎天下行

荊州萬城隍志

卷七

官守

一

官守上

題名

此卷督撫司道守丞營弁姓名籍貫皆宜從乾隆戊申以後記起茲並闕之謹以俟攷

陳州萬城隍志卷七



官守

志官守者知其人以攷其事也荊州江隄向係民修歸縣丞督辦自乾隆戊申後責成郡丞縣令估計而令道府董其役限以保固十年督撫則分年廵守焉立法已為嚴密道光十二年因郡丞縣令不能得力疏請改歸郡守攤徵土費亦由郡守督催同治初年又恐郡守不能勝任復令隨同本道估勘驗收可謂密益加密矣嗚乎天下有治人無治法事窮則變勢所必然後之視今亦猶今之視昔安

荊州萬城隄志

卷七

官守

一

知過此以往不更有變通哉故列叙有荆隄之責者標其姓名別其功過著於篇

目錄
 責成
 題名
 獎叙
 處分

官守

荊州志卷七

荊州萬城隍志卷七

官守中

責成

部議四條

○查直隸等省濱臨江湖緊要隄工俱係大員經理今荊州萬城隍工濱臨大江城社民生均資保護如僅歸知縣縣丞督辦實非慎重要工之道應如所奏將來歲修隄工責成荆宜施道荊州府專管督辦查萬城大隄向係民修此次蒙 皇上天

恩特發帑金官爲修理堅實穩固嗣後歲修自應仍歸民辦其

荊州萬城隍志

卷七

官守

責成

一

工程在五百兩以上者因欲杜其包修草率之弊是以官爲代辦每年秋汛後荊州水利同知會同江陵縣將應修處所逐一勘明估計造冊送該府覆勘核實申賚該道復加核勘移咨藩司借項興修取具道府切實印結移司報部核銷於次年攤徵歸款如在五百兩以下者仍令民間自爲修理無庸借款仍令藩司於每年奏銷後親往查驗一次督撫於每年春汛以前輪往查驗一次如此層層查核則承修督辦之員自不敢草率從事於荊郡隄工自可永資保障如有偷減浮鬆情弊即行查叅

著賠

○查本年七月內欽奉諭旨荆州隄工嗣後着定限保固
卅年如在限內冲潰者即嚴行奏處以示懲儆欽此欽遵在案
嗣後歲修荆郡漫工應如所奏一律保固十年如有限內冲潰
即將承修之員分別查明叅處仍將補築夫工等項銀兩照數
着追還欵

○查荆州府同知既經管理隄工其衙署自應移駐在大堤之
上建設以資防守庶耳目易周呼應較靈應如所奏荆州府同
知准其於中方城李家埠等處擇地移駐修建至荆州府同知
原係部選之缺今將萬城大隄責成專管奏請改爲調缺之處

荆州萬城隄志

卷七

官守

責成

二

查定例外省各缺不得妄請更改如有今昔情形不同必須酌
改繁簡者應令各督撫分別缺之大小如丞倅牧令之缺應請
改繁即於丞倅牧令缺內改簡互換等語是各省員缺如有今
昔情形不同應請改繁者必須擇其事務稍簡之缺改歸部選
互相更易方與定例相符今既奏稱荆州府同知將萬城大隄
責成專管非部選人員所能勝任等語是爲地方隄務起見應
准其將荆州府同知員缺改爲調缺在外揀選題調仍令該督
撫於通省丞倅牧令缺內擇其事務稍簡者酌改一缺歸於部
選以符定例其荆州府同知仍令擬定字樣報部註冊

○查荊州隄工保護郡城其段落遼濶里數綿長自應分派管轄以專責成而資修防應如所奏萬城隄自逍遙湖起玉路口止令江陵縣縣丞看管自玉路口起至黃家場止令沙市巡檢看管自黃家場起至拖茆埠止令鶴穴巡檢看管遇有防汛等事隨時就近督夫照料辦理其歲修估計工程給發夫工價值等項仍由該同知督令董事經手不得以佐雜微員妄行干預畢制軍請撥水師營兼管隄防疏○竊照萬城隄上年猝被水淹仰蒙皇上頒發帑金將漫決缺口估工補完通隄加高培厚又添建立石填工並經大學士公阿會同臣酌定章程責

荊州萬城隄志

卷七

官守 責成

三

成道府勘驗估報移駐水利同知復令知縣佐雜分汛看管於防護隄工之道已屬周備茲臣連日在工細加相度查萬城大隄工段綿長而自得勝臺至魁星樓形勢臨江節節險要雖經設有隄長圩甲安置夫卡但係召募鄉愚充當不足倚恃臣愚擬照河工之例撥派標營弁兵協同防守以期倍資得力查有荊州水師營專管水操事務並護送銅鉛等差原設守備一員千總一員把總二員外委額外各一名戰守兵二百一十三名駐劄江陵縣箬窪即在萬城堤外適中之地臣查該營差使不繁又切近堤旁照應最爲近便況江水盛漲每年止夏秋二

汎若於汎水長發之時飭令該守備帶領弁兵上堤駐守協同
文員相機搶護平時往來堤頂稽查周防並自得勝臺起至魁
星樓止每二里添設卡房一間撥兵二名駐守與夫卡相間聯
絡晝則懸旗夜則張燈偶遇水勢異漲傳梆鳴鑼令兵夫各卡
齊心搶護至於防險之時一切操演准其輪流替換於營務亦
可無悞至萬城堤原係荆宜施道專管之工今該營既改爲兼
管堤工所有該營防工弁兵自守備以下應聽該道節制並就
近歸荆州城守營叅將兼轄以期呼應較靈其考拔一切仍照
舊章如此則營制無事更張而修防益極周密是否有當謹恭

荆州萬城隄志

卷七

官守

責成

四

摺具奏伏祈

皇上訓示施行

乾隆五十四年

陳方伯飭知水師營造冊報部札○案准荆宜施道布移據水
師營守備張兆興申稱遵查此案防汛兵丁係於乾隆五十四
年內奉督憲奏明萬城隄工告竣自得勝臺起至魁星樓止建
立卡房二十六間每間設兵二名又奉詳議楊林洲黑窩廠觀
音寺三處石磯各設兵一名共派撥兵丁五十五名每年自四
月起至八月底止駐守防汛歷年遵辦在案茲將駐隄防汛兵
丁名數及起止日期開造清冊呈請核轉等情本司覆查荆州
大隄令水師營備弁兼管每二里添設卡房一間撥兵二名駐

守防護夏秋汎漲聽荆宜施道節制歸荆州城守營叅將兼轄等因於乾隆五十四年三月內奏奉 俞允並奉准部覆轉

飭遵照各在案茲據荆州水師營守備將五十四五五六七等四年派撥兵丁名數並駐隄防汛起止月日分晰造册申送本司覆加查核均屬相符相應將取到清册具文詳請督部堂查閱咨送兵部並分咨 戶工 二部等因奉批賞到清册仰候咨送本司合就札行仰該府官吏轉飭遵照毋違 乾隆五十七年

陳方伯止調承脩州縣札○查荆州萬城大隄上年奉公中堂阿會同督憲具奏善後事宜章程內議防守汎漲一條責成該

荆州萬城隄志

卷七

官守

責成

五

管道府專管督辦每工設立卡房選充隄長四名圩甲四名常川住宿防守如遇汎漲該管道府率同水利各官往來梭巡督飭隄圩人等多備守水器具協同業民晝夜防守如有水溝浪窩隨時脩補倘遇危險卽督率搶脩子埝水例各官防護不力查明糾參嗣奉督憲以堤長多係鄉愚充當不足倚恃仿照河工之例派撥荆州水師營守備帶領弁兵協同文員稽查防守並添設卡房撥兵住宿相間聯絡齊力搶護等因具奏本年土石各工完竣後又奉督憲具奏此項工程發帑脩築全在地方官時刻實力經理倘漫不經心一任雨水沖汕必致有殘缺之

虞應將土隄石壩責成該道府遵照奏案悉心料理等因是萬城隄工防守章程已屬周密工竣之後又奉公中堂會同督憲履勘具奏一律堅固並無草率情事該管道府有應遵照督率水利各官水師營弁隄長圩甲妥協經理今荆宜施道議照黃河則例檄調承脩州縣赴工防汛並稱水溝浪窩甚多非堤圩兵夫力能辦理查萬城大堤遇有水溝浪窩原應隨時脩補若謂填墊不易必須承脩州縣赴工脩補防守則隄圩兵夫聯絡住宿隄卡竟屬虛設該管道府及水利廳營各官以分應督飭辦理之事諉之承脩各員不特與歷次奏案不符且各省水利

荆州萬城隄志

卷七

官守

責成

六

隄防情形不同未便援引隣省辦法遽易本省奏定章程况州縣均有地方應辦事件一經檄調赴荆防守必須數月之久地方公事必致廢弛雖承脩州縣有保固十年之限但十年之內各該員亦難保無升遷事故豈能因有十年保固限期檄調該員等赴隄防守反將奏准責成防汛之該管道府及水利同知等官置身事外設保固十年之後又將何員檄調防護所議殊有未協應請毋庸置議所有查議緣由合行札飭該府卽便移飭營廳各員遵照辦理毋任泛視貽誤

乾隆五十四年

畢制軍請調河員疏略○查湖北現乏熟諳工程之員前於乾

隆五十三年脩築荊州萬城大隄經大學士公阿桂奏調豫省
河員來楚協辦始得合法藉以穩固今黃河秋汛安瀾河東汛
員熟諳工程者甚多自可酌調三員前來以便指導逾辦俾億
萬田廬永資捍衛庶加仰慰 聖主懷保災黎恩加無已之
至意 嘉慶元年

按此奏調河員督工之案如本省之員不得不借材異地

周太守請責成汛員稟○竊照荊州府屬濱臨大江地處低窪
在在均資隄塍保障而隄塍之堅固又全賴歲脩如法及平日
防護得宜庶無汎水之患查各屬隄塍向係水利佐雜監修自

荊州萬城隄志

卷七

官守 責成

七

乾隆五十三年欽奉

諭旨改歸州縣經理不許佐雜干預

以後各該員以爲事無專責隨各互相推諉乾隆六十年德安
府同知葉丞請循照舊制責成水利佐雜分別分任核計功過
稟奉前憲批飭查議旋值軍興未及定議茲卑護道伏查州縣
有審理命盜詞訟經徵錢糧事務殷繁具費經理而歲脩隄塍
定例九月興工次年二月完竣近年多有遲至十一二等月勘
估詳報次年正二月始行興工四月尙未完竣者推原其故蓋
緣例歸民脩各圩業民人心存觀望於應脩隄段並不及早報
勘迨州縣再三查催始據開報州縣俟各處開報齊全再行往

勘詳辦以致輾轉稽遲及派土興脩州縣各有應辦事件既不
能以督脩隄工扣展公出有難責令駐宿隄所親行監督遂致
業戶抗欠夫工不能迅速集事及並不礮夯草率完工其弊不
可勝言且前脩之工未竣而洪水已至苟欲保無潰決其可得
乎況各屬隄陞脩竣以後遇有雨淋殘缺及穉洞蟻穴如果隨
時脩補防護得宜即可免一屆脩築之費但各隄有距城數十
里及百餘里二三百里不等州縣鞭長莫及亦未便責令隨時
往查是隄工歲脩以及平時防護斷非一人所能料理勢不得
不藉資水利佐雜各員分管但各該員因有 諭旨不許干

荊州萬城隄志

卷七

官守

責成

八

預俱各存心推諉若不嚴立章程明定功過無以示勸懲而別
勤惰仍屬有名無實應請嗣後各屬隄陞責令水利佐雜各員
分段經管每年於白露後將分管隄陞何處坍塌裂應行脩
築迅速查明開摺申報州縣立時勘派土方詳辦務照定例九
月興工次年二月完竣遇有節候較遲年分開工總不得過十
月至次年三月底一律完固報請本管道府查驗其每屆歲脩
各該員各按分定地段駐宿隄所督脩州縣隨時稽查倘有干
預夫工及假手家丁書役致茲弊端即行據實詳叅究辦如所
脩之工驗有草率偷減即將隄圩人等於隄所枷號一個月從

重責處發落其草率隄段著落州縣賠脩監脩之員卽以廢弛
叅革至道府驗收以後仍責令各該員不時稽查如有雨淋殘
缺糴洞蟻穴不及脩補一經汎水滲漏潰決每次將各員記
大過三次倘經三次不能實力經理歸入大計案內糾叅如所
脩隄勝防護得宜一歲之內保固無虞記大功三次三載安瀾
請於大計或俟俸滿予以保薦仍於每年年底由道府核記功
過造冊通詳立案又水利佐雜各員旣責令監脩隄勝遇有業
戶抗欠夫工及隄圩人等脩不如法若不待移稟州縣比催押
令另築不特各員毫無事權呼應不靈抑且往來曠遲誤工並
請嗣後如有抗欠夫工及脩不如法許監脩各員隨時分別比
催責押另做如有藉端索詐情事一併嚴叅究辦如此立定章
程賞輕罰重分別功過通融辦理旣與前奉 諭旨無悖而
州縣以及水利佐雜各員責有攸歸歲脩隄工不致遲逾例限
可冀永臻鞏固於保護民生似有裨益

嘉慶九年

大 按此稟奉土臺批駁與乾隆五十四年欽奉 諭旨有悖

未便准行德安同知葉世倬所請乃援照乾隆二十八年

輔中丞奏定章程也然篇中議論周詳洞悉利弊所稱水
利各員視非專責以致互相推諉尤屬實情存之以備采

中丞奏委知府代防摺片○再楚北襟江帶河素稱澤國全賴隄陞以資保障而荊州之萬城隄襄陽之老龍隄尤關緊要近日疊獲透雨江漢水勢日見加長臣親赴老龍隄逐加履勘間有零星刷損之處已督飭趕修完固足資捍衛其萬城隄每至夏秋二汛例應大員督防現在督臣吳駐劄房縣督辦軍務不及分身臣又須赴省審辦案件亦不能兼顧藩司孫玉庭有承辦報銷事務荆宜施道陳蘭森現在軍營總理糧務寔無可委之員惟查荊州府知府張方理在任年久熟悉江防情形

荊州萬城隄志

卷七

官守 責成

十

上年曾經督臣吳奏委該員就近代防並無貽悞本年臣仍飭委該府駐劄隄所督率地方文武各汛員加意防護以期駕輕就熟於要工較為有益其餘各屬隄垸並即分飭地方水利各員一體寔力防護俾臻穩固理合附片陳明謹奏嘉慶

按此督撫不及親臨奏委知府代防案也至今援為成例

盧制軍楊中丞會奏萬城隄改歸知府承辦疏○竊照荊州府濱江有

萬城隄一道為闔郡城垣田廬及下游一帶州縣保障官脩工段頻年動項修築俱極鞏固其民修隄工從前係知縣縣丞督辦嗣於乾隆五十三年被水之後奏明改歸水利同知專管歷

屆歲修由該同知勘估通詳飭縣按糧派定土費造冊申送同知衙門督率收繳興修近今十數年江底沙泥日漸淤高兼之洲灘叠出江面窄狹一遇夏秋盛漲在在俱形危險雖經設法搶護無虞而歲脩土費逐年加增必須派至一萬數千餘兩方敷工用同知係府佐間曹催繳土費呼應不靈收繳未齊必須由府籌款填辦而不省之董事亦卽乘間私收侵蝕任意拖欠辦理殊爲掣肘不可不亟加整頓當經_臣等飭司妥議去後茲據藩司衍 臬司棨 查明萬城隄工程該同知催費督修不能得力應請改歸荊州府承辦飭令先期親詣勘明應修工段

荊州萬城隄志

卷七

官守

責成

十一

樽節估計實需土方確數造冊申賞一面飭縣照例按糧派費催繳府庫存貯由府慎選誠實諳練家所推服之紳耆充當董事設局經理銀錢出入不許假手書役以免尅扣侵漁滋弊仍令水利同知隨同督率催夫趕修等情詳請具奏前來_臣伏查萬城隄爲荊州全郡保障最關緊要近年江底淤墊一經水勢盛漲在在險要以致歲脩土方逐年加增該管水利同知向來不司民事催繳旣呼應不靈借款多虛懸積欠辦理實形掣肘若再任其因循必致將來貽誤所關匪細相應奏懇 皇上天恩俯准將前項歲修隄工改歸荊州府知府承辦以專責成

庶催收攤費可望迅速遴選董事紳耆務期得人並將向來積弊認真剔除俾濱江要工永資鞏固洵於國賦民生大有裨益所有本年歲修隄工期限已迫臣等已照現定章程飭令該府勘估承辦該同知本有專管水利之責仍令隨同該府催僱人夫往來稽查統於春汛以前一律趕修完竣倘敢草率延誤一併從嚴叅辦以仰副聖主慎重江防保護奠安之至意所有荆州萬城隄工改歸知府勘辦緣由理合恭摺具奏伏乞皇上聖鑒訓示謹奏道光十二年

唐太守請委幹員接辦萬城隄工稟○案奉憲臺札開卑府所

荆州萬城隄志

卷七

官守

責成

十一

管萬城大隄集費不少一經泛漲卽紛紛漫潰其爲脩防不力已可概見本年水勢較大業經免其叅處現值水落歸槽急應舉辦歲脩飭卽逐細確估造具土方夫礮銀數出具保固印結通賚核辦毋稍浮冒遲誤致干嚴叅等因卑府接讀之下殊切悚惶竊萬城大隄綿亘三百二十有餘里爲北岸數郡州縣田廬保障卑府前冬甫經蒞任卽行周歷全隄查僅萬城一段隄身較爲寬厚外餘俱低窪殘缺節節皆險心竊慮之又思工大費繁民力未逮務當撙節將向來虛糜規費概予裁革所派土費去年較前仍減去十分之四今年更比去年減半不待徵收

到手先行設法籌墊冬開春收且復增修柴紀石工以致所派不數計兩年中或卽上屆之盈餘湊次年之經費或以市店之挪借濟急工之要需備極經營萬不敢仿痼習之點綴掩一時之耳目內慚衾影外誤生靈人言可證非紙上空談也本年夏汛荆江之水與沮漳河水同時異漲爲數十年所罕見廻流直刷汹涌怒號隄身或在水中隄頂或亦漫過安危之機決於頃刻卑府守駐要工督令汛委各員毋分晝夜梭巡保護捐數千之緡竭月餘之力幸能化險爲平獲報安瀾若非兩載以來加高培厚築磯撐幫全隄一律工倍於前費歸於實諒亦同江

荊州萬城隄志

卷七

官守

責成

三

陵南岸虎渡汛等處之口門決裂無數此而謂之紛紛潰漫其尙何說第石塊且多推去土性更難堅凝查官民各工經茲衝激如阮家灣楊二月登南隄獐卜穴稀柳灣長樂隄岳家嘴下林腦方家淵等處本基雖存幫貼悉鏗甚而龍三淵之石磯土箭全入江心以兩次歲修約八百餘船之石料盡沉波底責以脩防不力應即頰首引咎所恨卑府智識粗淺設再遇奔騰之水患實乏茲抵禦之神通既不忍以人事天心作或然之想又未便以實銷實用存自贻之私與其悔於日後莫若慎諸工先蓋此官之泰處奚惜而斯民之飢溺堪憂也不揣冒昧敢懇去

人體恤愚衷俯賜轉詳將萬城大堤官民各工遴委幹員接辦
庶使荆南士庶齎戴生成銜感無既咸豐十年

按此稟詞意激切近於負氣然爾時大亂初平土費徵不
敷用當此大汛尙能竭力保衛化險爲平固天心之仁愛
亦人事之感召也存此以見實任人員於此等類切己之
政決無玩視之理或在事胥役浮冒虛糜勢不能免耳

唐太守委員駐防李家埠札○照得萬城大隄爲全郡及下游
各州縣田廬保障最關緊要茲值江水泛漲高出楊林洲石磯
數寸來源甚旺所有李家埠工內需員駐宿防守合行札委札

荆州萬城隄志

卷七

官守

責成

十四

到該員立即束裝前赴該工駐宿防守並上下徃來梭巡一面
嚴督該隄圩人等多備守水器具遇有險要之處毋分兩夜押
令搶護完回務保無虞如該隄圩人等稍有怠忽許隨地枷責
該員亦不得稍涉懈玩致滋貽誤咸豐十一年五月

按此添委佐雜防汛之案果遇大汛一人耳目難周自宜
委員助防然須察看水勢大小斟酌遴委能吏一二員幫
同防護可期得力事後詳請獎叙以報之若視爲例差周
旋屬吏反致受累不可不慎

官制軍嚴中丞會委道員視工札○照得荆郡萬城大隄爲下

游田廬保障百億萬性命所託關係甚重而通隄險工又以郝
穴爲最要龍二淵次之本年夏間據荊州府周守稟報龍二淵
四號上段石岸崩蹙數丈下節接連二段正當迴流頂衝旋成
月形時有坍塌老廟台鎮安寺冬隄亦多崩坍危險更甚而老
廟台江底極深現以繩繫石下探至五丈有餘尙無阻隔可見
尙未到底其崩寬五六丈者隄面亦僅存五六丈外止撐幫二
道再外則龍二淵矣由來深潭無能退挽更無計施工加之郝
穴地本多沙無從取土情形如此直不知如何設法等情當經
批令不惜重費設法搶築仍俟水落歸槽後相度形勢妥籌脩

荊州萬城隄志

卷七

官守

責成

五

復在案茲幸安瀾告慶水將歸槽應即乘時派委大員勘估籌
脩以禦來年汎漲而保無窮賦命合行札委札到該道立即遵
照刻日馳赴荊州會同該道督同該府親赴萬城大隄先行巡
視一週確勘郝穴及龍二淵工段何處崩蹙寬長各若干丈尺
或應撐幫或應退挽應於何處取土此外各堤段如何情形如
何加高培厚先行繪圖貼說資核一面確加估計實需工價若
干按照向章由該府派費興脩如費一時未齊該府應如何籌
集一切切實情形通稟核辦此係最要之工刻不容緩務趕奏
前一律趕築堅固該道其會督該道府實心實力妥爲勘辦毋

任官紳畏難苟安致貽明年大患是爲至要同治二年

按此兩院會委大員之案荆隄非有要工不另委道府前以軍務倥傯經費支絀累年失脩以致叠出險工是年將事脩築亦如大災之後必遴派賢員督辦重欽工也委員候補道周溥因並誌之

官制軍嚴中丞飭道府上隄會勘札○照得本部堂院訪聞萬城

全隄自咸豐年間軍務倥傯又頻年水勢平順未能專力歲脩民捐土費亦不肯踴躍完納道光二十四年潰口之後安瀾已二十年日久懈生不免視爲恒泛若不嚴立章程亟加整頓誠

荆州萬城隄志

卷七

官守 責成

七

恐日後脩築草率一遇盛漲設有疏虞所關非細查該隄原係荆州府專責荆宜施道亦有兼管責成向例要工每年秋後由府勘估興脩本部隄現擬定章每年霜清水落後該道府會同親身赴隄按工程之夷險核實估計歲脩土費應實用若干照派徵收然後由府派人分段興築工竣之後該道親往勘驗如有與原估工程不符或偷減草率即飭該府再行加脩如式如違揭叅不准稍徇情面果能一律堅實即由該道府層遞出結呈賞備案此次奉文之後先將隄身原來高厚寬窄一面切實開摺稟明存案一面刊碑註明以後再將本年經脩姓名用過

土方工費數目所脩工程高厚共加過土方若干尺寸分畧立碑詳細刊載明晰並通報查考如脩不堅實以及剗土見新各弊一經委員查出即著落該道府分成賠脩如此則小民見土費實歸工用亦必踴躍輸將而隄身高益加高厚益加厚永無水患矣

同治二年

按此兩院札飭道府會同上隄之案

李制軍吳中丞會奏裁改荆州水師營員缺疏○竊照荆州水師營制兵燹以前額設守脩千總各一員把總二員外委額外各一員兵二百十二名因萬城大隄緊要做照河工例撥兵建

荆州萬城隄志

卷七

官守

責成

七

卡駐防因同治八年新設長江水師營汎經前兩江督臣曾國藩等奏請將該營員弁兵丁裁撤旋經前兩江督臣馬新貽等於續議長江水師分別改留裁汰各員弁案內奏經部議准留守備一員兵九十二名防護隄工歸宜昌鎮轄各在案竊維立法貴於因時循名必須責寔萬城大隄地段綿長工程緊要爲荆州全郡及下游保障每遇盛漲險工疊出節節需人防護倘搶救稍疎關係億萬身家性命僅一守脩既慮其周歷難遍且稽查勤惰須歸附近上司統屬宜昌鎮相離過遠耳目不及查斯隄向由荆州道府督修利害切身則經營倍力弁官既有防

護隄工之責即當歸其管轄似宜倣照浙江海塘營汛之例將防隄弁兵改歸荆州道管轄庶事權有所專屬而文武聯爲一體於隄務較有裨益臣等公同商酌擬將該營員缺酌量裁改以歸實際而免疎虞相應請旨將荆州水師營守備裁去

改設千總外委額外各一員分段專防萬城大隄改歸荆宜施道管轄亦毋庸再隸宜昌鎮標以專責任如蒙俞允其一切營務章程再飭司道會議詳咨立案臣等爲慎重隄防起見是否有當謹合詞恭摺具陳伏乞皇上聖鑒勅部核覆施行

謹奏同治十三年

荆州萬城隄志

卷七

官守 責成

六

李制軍酌議隄防營咨部章程八條

○一弁兵分段巡防以專責成也查萬城大隄自上逍遙湖起至橫隄止官工共計二十五工連堆金垵得勝垵民工二段原設兵卡二十六間向由該營每卡撥兵二名防守擬請仍循舊章各卡共撥兵五十二名并楊林洲黑窰廠觀音寺三處石磯撥兵三名查看水勢照常設防毋庸更張惟橫隄以下民工向未撥兵駐防今該營既改歸隄防自應官民兩工一視同仁擬請在民工隄段內擇要添卡協防以昭周密查上潭子湖下潭子湖龍二洲上新塹下新塹五段多係迎溜頂衝石工最爲險

要應即添建五卡共撥兵十名協同防護外脩划船四隻每船
共住兵三名共撥兵十二名駐紮楊林磯水次做隄則令運土
無事則令巡邏以上各兵卡應分爲兩哨以改設之外委一員
爲左哨哨官駐紮李家埠帶親兵四名巡防堆金坵起至下獨
陽止十八段計兵卡十六間管轄兵丁三十六名以改設之額
外外委一員爲右哨哨官駐紮橫隄帶親兵四名巡防東嶽廟
起至橫隄止九段計兵卡十間石磯二處并兼防上潭子湖等
處五卡管轄兵丁三十七名又以改設之千總一員駐紮最要
之中筭篷帶親兵七名并划船四隻梭巡兩哨通工其外委額
冊如不辦文冊之時仍同千總巡防

荊州萬城隄志

卷七

官守

責成

九

外外委二員及所轄兵丁均歸千總約束至往來公牘及歲支
俸餉冊籍需人繕辦即於親兵內改募書識兵丁一名繕辦文
冊如不辦文冊之時仍同千總巡防

○一兵丁應募土夫承充以昭核實也查該營原額兵丁素習
武事不諳隄工如不另募本地土夫仍於隄工無益擬請先將
該營兵丁九十二名全行遣撤另募本地習隄務年力精壯土
夫挑選成伍以收實效

○一夏秋二汛協力防護昭慎重也查荊州江汛每於夏秋之
間不時漲發必須駐工巡防以免疎虞請以每年四月初一日

起由各弁預備守水器具分駐各卡無分雨夜往來巡防傳發協同圩甲人等認真守護遇有險工即鳴鑼爲號各卡兵丁齊集險處通力合作搶築完固如查有蟻穴獾洞雨溜溝槽即由該營兵丁隨時挖築補修如式不准推諉貽誤俟八月底江水退落再行撤防

○一春冬二季挑土種蘆以備防汛也查修築土牛以備防汛外種蘆以資護衛二者皆隄工要務擬請每屆安瀾後於歲修土牛外責令各段兵丁每名於經管段內挑築土牛十座每座約計實土五方仍於隄外十丈栽種楊筒蘆荻定限次年二月內一律完竣報明本管道檄委荊州府驗收務須如式辦理不得草率偷減

○一弁兵應准專管隄工知府調遣以利修防也查萬城大隄專歸荊州府承修責任甚重夏秋大汛之際遇有險工必須由府酌核輕重情形立時派兵協同搶護即修築土牛等項亦須隨時督催以免因循延誤擬請嗣後該營弁兵修防事宜應聽荊州府隨時調遣如有違誤即由知府稟請荆宜施道轉詳奏處庶幾呼應較靈

○一營名應改隄防以示區別也查該營前有操江之責故稱

荊州萬城隄志

卷七

官守

責成

二

水師今既專防萬城大隄春冬挑土種蘆夏秋分段防護全與
武事無涉擬請仿照河工海塘之例改名荊州隄防營歸總督
統轄一切差操均請優免

○一營弁應頒鈐記以昭信守也該弁等凡遇修防事務均須
隨時文報自應分別刊頒鈐記俾有遵守擬請由藩司刊發千
總木質鈐記曰湖北荊州隄防營千總之鈐記又外委額外外
委木質鈐記二顆一曰荊州隄防營外委鈐記一曰荊州隄防
營額外外委鈐記分給祇領

○一弁兵俸餉請照綠營章程以符舊制也查該營俸餉一切

荊州萬城隄志

卷七

官守

責成

三十一

向照綠營章程請領今裁去守脩改設千總一員外委一員額
外外委一員并原留戰兵三十六名守兵五十六名共九十二
名擬請將守脩一員俸廉等項全行裁汰仍照綠營舊例添支
千總一員俸廉坐馬馬乾等項又添支外委額外外委各一員
糧餉等項仍支戰兵糧餉三十六分守兵糧餉五十六分惟千
總例無蔬菜燭炭心紅紙張銀兩今係改設隄防專營公事較
繁應請比照守脩例添支蔬菜燭炭心紅紙張等項銀兩又外
委額外外委係由戰兵考拔向無馬匹今既專防隄工上下梭
巡隄段甚長須用馬力往來較爲便捷應請添給坐馬一匹馬

乾一分此外應領公費仍照舊章請領以資辦公所有現議隄防營歲支俸餉等項銀兩數目與該營原支數目比較計少支銀六十三兩六錢零係屬有減無增應請照支

光緒元年

荆州萬城隍志

卷七

官守

責成

三

荊州萬城隍志卷七

官守下

獎敘

嘉慶元年安瀾奏獎案○中丞疏稱荊州萬城隍工爲郡城沙市等處百萬民生休戚所繫向逢伏秋盛漲均應督撫大員親駐巡防本年入夏以來因值教匪滋事恐被賊黨盜空欽奉上諭令臣就近督率委員實力防護當經派委幹員協同專汛員弁常川駐守並招集鄉勇雇備划船於堤身江面往來梭織巡邏嗣於五月中旬以後大雨連綿江水異常汎漲幾漫

荊州萬城隍志

卷七

官守

獎敘

一

隄頂當經督飭印委各員竭力搶護幸獲平安經臣節次奏蒙聖鑒在案目下節交白露江水漸已消落溜緩波平察看萬城隍身及沙市以上之楊林磯黑窩廠觀音寺等處石工屹立現俱一律穩固可保無虞洵足仰紆宸慮再隄防委員

內有効力捐職布政使理問陶琛捐職布政使經歷沈思銑係督臣畢沅奏委在工防護之員常川駐隄晝夜巡防實屬不辭勞瘁且因隄近當陽該員等堵勦得力並搶獲賊目要犯多名兩次奏邀恩旨議叙補用在案茲屆水落賊平要工穩固可否將該二員各照原銜留楚補用以示鼓勵之處出自

皇恩所有秋汛安瀾江隄鞏固各緣由理合繕摺附驛馳奏伏
祈 皇上睿鑒謹奏

披此隨摺請獎不於奏報安瀾附片也爾時防汛委員兼
有軍功僅得留省補用字樣足徵剝章之可貴

道光十三年修防奏獎案○中丞奏委辦萬城大隄歲修郝
穴許仙觀等處石岸各工及防護搶險出力之員郝穴主簿尹
椿年請以應升之缺升用試用未入姚治平請以本班儘先補
用試用未入高元吉防護三次請予外獎

道光二十三年督工奏獎案○趙中丞片奏臣查荊州臨江觀

荊州萬城隄志

卷七

官守

獎敘

二

音寺石磯迎溜頂衝爲最要險工該委員湯景前於幫修萬城
隄官民各工案內已先後詳記大功四次茲復隨同荊州府知
府程伊湄勸捐並駐工次晝夜督催不避嫌怨不辭勞瘁將該
石磯工程尅期修竣洵係盡心出力之員合無仰懇 天恩
俯准將咨補黃岡縣縣丞湯景以應升之缺升用俾昭激勸

咸豐十一年三屆安瀾奏獎案○官制軍片奏署荆宜施道鹽
法武昌道栗耀自咸豐九年到任迄今三載督防荊州大隄遞
慶安瀾尙屬著有微勞可否請 旨交部從優議叙又補用

道荊州府知府唐際盛自八年秋間到任亦已三載有餘該員

於萬城隄官民各工每屆冬春親督籌修一逢伏秋汛漲駐工防護既寒暑之奔馳不辭勞瘁復捐貲以搶險力挽狂瀾故得歲慶安瀾全郡及下游各屬廬舍農田均資保衛又該員莅任以來鋤除奸慝整頓地方吏治日有起色而於各屬催科尤復寬猛相濟三年之內督催各屬徵解錢糧綜計六十餘萬兩較往時大有進步絕胥吏之侵欺濟征兵之餽饟實屬實心民事有裨時艱爲方面中出色之員可否仰懇 天恩將補用道

唐際盛

賞給二品頂戴以示獎勵而策將來此外防護大

隄出力人員由臣等存記分別外獎合併陳明

荊州萬城隄志

卷七

官守 獎敘

三

按此三載安瀾請獎道府之始此次唐太守以補用道員兼有籌餉治賦之勞故請獎以二品頂戴後援此例奏保虛銜不得過鹽運使階也

咸豐八年外獎案○羅方伯詳稱萬城大隄郝穴龍二淵等處爲極險之工前經荊州道府親詣勘估籌計已將上下石磯兩岸內外撐幫月閱一律修築堅實完好足資保衛此項工程經費未充全賴事事經理得人庶工歸實用費無虛糜查據稟稱前委在事各員或專司銀錢帳目慎重收支一毫不苟或分督夫礮石船隨時彈壓片刻靡間半載以來均能竭力盡心不辭

辛苦茲大工告竣百姓咸歡似未便沒其微勞等語自屬實在情形應請准如該道府所稟請將儘先升用同知現任荊州府通判忻承已補德安府同知程伊湄候補同知包誠候補同知湯譽光同知銜丁憂補用知縣鍾溶六品銜現署江陵縣郝穴主簿王廣任六品銜候補縣丞徐焯湖南候補未入流姜運蓮升用府經歷丁憂揀發從九品屠安邦都司銜前署穀城守備高洪陞各予記大功三次註冊以示獎勵

咸豐十一年外獎案○唐太守稟稱卑郡萬城大隄綿亘二百餘里爲荆漢潛沔各府州縣田廬保障最關緊要卑府自咸豐

荊州萬城隄志

卷七

官守

獎敘

四

八年十一月到任察看全隄情形亟須認真修理極力防護三年以來仰托慈庇悉慶安瀾在卑府有經理之責竭籌辦之勞如上年荆江異漲爲百餘年所未有多方搶護以保無虞雖賠墊幾及萬金當此多事之秋不敢冒昧請項均屬分所應然惟在事出力各員不辭勞瘁不避寒暑晝夜辛勤始終無懈且與卑府逐日接見察其才思皆可爲歷今三年三汛安瀾舉相慶幸仰惟大人愛惜人材微勞必錄謹開列清摺呈覽應如何獎勵以示鼓勵之處伏乞恩施無任惶惑

按此次丞倅佐雜印委各員均予記大功三次由司存記

處分

乾隆五十三年奏案○部議大學士阿桂等奏稱臣等將潰決隄工詳悉履勘估土還補並自得勝埧起至沙市之西街頭止通行加高培厚並於楊林洲黑窰廠沙市劉大巷至塘樓橫隄等處築建土石隄壩加築土堰共估計工料價值銀十八萬九千五百三十八兩二錢一分四釐除舒常已認罰銀四萬兩李封陳淮各認罰銀二萬兩李天培沈世燾各認罰銀一萬兩共銀十萬兩外其尙不敷銀兩應請著落歷任總督李侍堯巡撫李綬圖薩布韋職藩司永慶丁憂荆宜施道陳大文按股分賠

荊州萬城隍志

卷七

官守

處分

五

等語工部查荊州沿江隄厓雖係民修工程如果該督撫等平日留心經理節令該管各官隨時督修堅固自不至衝決潰口至二十餘處之多且對岸窖金洲漲沙逼溜致下游壅阻從前四十四四十六兩年屢經被水自應及早籌辦以保城社民生乃竟漫不經心以致本年江水漲發衝潰隄工兼及城垣成灾甚重該督撫等實難辭咎應如所奏將此次補築土石各工共需工料銀十八萬九千五百三十八兩二錢一分四釐欽遵

諭旨著落四十四年以後歷任督撫藩司及該管道府名下照數賠補除舒常李封陳淮李天培沈世燾等已罰銀十萬兩

又同知甘澍知縣孔毓檀王嘉謨雷永清等罰銀二萬一千兩
內應撥歸漂失米穀項下一半外其餘一半銀一萬五百兩應
撥入隄工項下抵款尙不敷銀七萬九千三十八兩二錢一分
四釐應照阿桂等單開總督李侍堯巡撫李綬圖薩布荳職藩
司永慶丁憂判宜施道陳大文按股分賠應令該督各按在任
年月日分別着賠核咨各該員任所旗籍追賠還項報部查核
又奏稱荊州府倉漂失米穀除該府俞大猷當經搶撈及買賠
滿營七月分應支米四千四百餘石外實漂失米七萬二千七
百六十八石五斗五升六合九勺穀六千四百八十三石一斗

荊州萬城隄志

卷七

官守 處分

六

九合二勺照例折銀七萬六千十兩一錢一分二釐江陵縣倉
漂失米四千六百二石一合六勺穀三萬十六石八斗七升五
合照例折銀一萬九千六百十兩四錢三分九釐計府縣兩倉
共應折銀九萬五千六百二十兩五錢五分一釐此項銀兩應
着落該府俞大猷該署縣屈振甲按該倉漂失米穀折銀數目
各賠五成餘令本任督撫藩司及該道員賠補除姜晟認罰銀
兩若干應歸入抵款外其尙不敷銀兩應着落舒常陳淮沈世
燾按段分賠等語戶部查荊州府倉漂失米穀並江陵縣漂失
米穀內除該府俞大猷當經搶撈及買賠滿營七月分應支米

四千四百餘石外其府縣二倉實在漂失米穀共應折銀九萬五千六百二十兩五錢五分一釐應卽照阿桂等所奏着落該府俞大猷該署縣屈振甲各按該倉漂失米穀分賠五成折算價銀着追賠補其餘銀兩除同知甘澍知縣孔毓檀王嘉謨雷永清等罰賠銀二萬一千兩內撥歸漂失米穀項下一半銀一萬五百兩並現據姜晟奏明認罰銀三萬兩外所有不敷銀兩卽行核明舒常陳淮沈世燾應分賠各款着追買補以實倉儲再按原奏折銀數目每米一石着賠銀一兩每穀一石着賠銀五錢係照向例折算是否足敷買補價腳之需及府縣二倉搶

荊州萬城隍志

卷七

官守 處分

七

撈米石實在共計若干應令該督一併報部查核又奏稱荆宜施道沈世燾本係兼管水利該處隄厓平日既漫不經心又縣監人犯私鬆刑具一案失於覺察未便因其已經自行認罰並以罰令分賠漂失米穀稍爲寬貸荊州府知府俞大猷於該管倉米雖已罰令分賠五成但該處隄工係由該府勘驗結報並未認真辦理於該縣監獄重務又不留心查察沈世燾俞大猷俱應請

旨一併革職仍着同已經叅革之署江陵縣知縣

屈振甲俱自備資斧留工効力以爲玩愒地方者戒至歷任荊州府同知徐錫純一員已經身故列入另單外陞任河南開歸

道陳文緯雖在任止二十八日於四十四年二月即經御事田尹衡甘澍已經先後丁憂離任但該員等皆係專管水利且現決隄工甘澍在同知任時曾經歲修俱未便因其已經離任置之不議應交部查明分別議處甘澍仍着賠銀六千兩又歷任江陵縣知縣內湯廷芳充依祿三員業經另案革職治罪且離任已久現決隄塍並未承辦應請免置議其孔毓檀王家謨雷永清三員現決隄工係其查驗等於到荊州後確訪詳查雖此項隄工每逢補修時並不通隄修理俱係業民有估土方將隄身矮薄殘缺及水溝浪窩處所出夫修補並不派欵銀兩計

荊州萬城隄志

卷七

官守

處分

八

每次所估土方亦不過自五六百方至五六千方不等該員等尚無尅扣侵漁情弊但例應該縣查驗並不認真辦理以致草率從事隄工不固實屬廢弛貽悞除孔毓檀王家謨業經另案革職離任外現任知縣雷永清亦應請革職仍各罰銀五千兩同丁憂同知甘澍應賠銀兩一併歸入應修隄塍各工及漂失倉米案內分抵欵項雷永清仍着有備資斧留工効力等語查丁憂同知甘澍革職知縣孔毓檀王家謨現任知縣雷永清等共罰賠銀二萬一千兩已於前次修築隄工及漂失米穀欵內各半分抵銀一萬五百兩吏部查原任荊州府知府俞大猷先

於江陵縣監禁人犯私鬆刑具案內照例議以革職欽奉

諭旨著留工所効力贖罪歷任江陵縣知縣湯廷芳元依祿已另案革職治罪孔毓檀王嘉謨已另案革職離任均無庸再議前因江陵縣監私鬆刑具案內議以降調之荆宜施道沈世燾及現任江陵縣知縣雷永清均應照大學士公阿桂等所奏一併革職同已經叅革之署江陵縣知縣屈振甲俱自備資斧留工効力至前任荊州府同知陳文緯田尹衡甘澍均係專管水利之員於該處隄塍未能留心查驗甘澍又曾辦歲修並不妥爲修築致有潰決應行分別議處應將前任荊州府同知陳文

荊州萬城隄志

卷七

官守 處分

九

緯田尹衡均照不實心查察降二級調用例降二級調用前任荊州府同知甘澍照隄岸修築不堅該管官降三級調用例降三級調用均無庸查級議抵陳文緯已陞河南開歸陳許道應於現任內降二級調用甘澍已經丁憂應於補官日降三級調用田尹衡已丁憂服滿揀發福建借補泉州府通判又經革職其降調之處應行註冊所有甘澍著賠銀六千兩孔毓檀王嘉謨雷永清各罰銀五千兩應令該督查明各該員任所旗籍分咨着追完報又奏稱歷任縣丞除衛法祖一員於四十四年勒休久經離任並未承辦隄工應免置議外其王廷樛馬錫黎士

烜三員俱係督修之人現決隄塍即在該縣丞等本汛王廷樑馬錫俱應革職同已經革職之黎士烜一併交部問擬杖徒以示懲儆等語刑部查律載不先事修築圩岸及修而失時者笞三十因而淹沒禾苗者笞五十及盜決民間圩岸陂塘致水勢漲漫毀害人家及漂失財物淹沒田禾者坐贓論罪止杖一百徒三年各等語此案王廷樑馬錫黎士烜俱係督修之員現決隄塍雖因江水漲發並非有心盜決但究由該員等於修隄工並不認真辦理以致工程不固被水衝潰若僅照不先事修築圩岸及修而失時律擬笞不足示懲應將江陵縣縣丞王廷樑

荊州萬城隄志

卷七

官守

處分

十

荊州府司獄馬錫均照大學士阿桂等所奏一併革職同已經革職之黎士烜均比照盜決圩岸陂塘杖一百徒三年律各杖一百徒三年不准納贖定地發配至配所拆責管束至此外已經身故及緣事查抄之歷任督撫藩司及該管道府等員應如何分別議罪之處臣等未敢擅便應照阿桂等單開另繕清單恭呈御覽伏候 欽定

乾隆五十四年援引城工奏案○工部議覆山西布政使朱珪條奏城工案內行令保固限內之工如有整段倒塌者着落原修官賠修其每間有些小損缺數在百金內外現任官一經查

出即自行修繕完整若現任官不隨時修理以致需費浩繁者則原辦與現任官均難辭咎應令原辦官賠十分之六現任官賠十分之四等因遵照在案雖隄工與城工事例不同而防護修補應無二致惟有飭令專管修城隄工之道府同知於現在汎水漲發之時週歷查勘各工段如有水溝浪窩需費無多隨時自應修繕完整歸入歲修案內造報攤徵歸欵倘水利各員漫不經理致於坍塌即將該管道府同知與承修官一併嚴叅著賠

道光十二年奏案○盧制軍等陳奏請將此次估辦新工並從

荊州萬城隄志

卷七

官守 處分

十一

前興修各隄未滿固限工程遇有衝潰除保固限內未離任者仍照例查明叅賠外如已離任則將承修接防之員一併叅處並將補築夫工銀兩按三七分賠承修者追賠七分接防者着追賠三分奉准通行

道光二十二年奏案○裕制軍奏稱此次潰隄雖非意料所及但該府程伊湄責重修防乃未能先事搶堵以致漫潰成口實屬咎無可辭惟現在添築橫隄已由該府捐辦稍知愧奮其大隄估需銀二萬八千三百餘兩亦應責令賠修相應請 旨將荊州府知府程伊湄革職暫行留任勒限兩月內將上漁埠

頭潰口挽月工程趕緊堵築完固兼可以工代賑接濟災黎如
敢逾違即從嚴叅辦以示懲儆

道光二十四年奏案○部議此案湖北荊州府李家埠漫潰刷
寬至一百五十餘丈之多荆宜施道李廷燾雖不承辦隄工惟
係奏委督防之員查該省奏定章程內稱專防委員照黃運河
隄失事之例叅處該督既經奏委該道督防自應遵照章程奏
請交部核議今並未聲明應得處分謹請摘去頂帶與例未符
應請將湖北荆宜施道李廷燾照黃運河隄岸漫缺河流不移
道員降四級督賠例降四級督賠至請未照例叅處僅請摘去

荊州萬城隄志

卷七

官守

處分

七

頂帶之湖廣總督裕泰會銜之湖北巡撫趙炳言應請

旨

交部照例議處等因具奏道光二十四年八月二十六日奉

旨依議欽此此案湖廣總督裕泰等於荊州府李家埠漫

潰刷寬至一百五十餘丈之多荆宜施道李廷燾雖不承辦隄

工惟係奏委督防之員該督等並未聲明應得處分照例叅處

僅將摘去頂帶經部奏奉諭旨將該督等交部照例

議處應將湖廣總督裕泰照違令公罪律罰俸九個月會銜之

湖北巡撫趙炳言於裕泰罰俸九個月例上減為罰俸六個月

查裕泰任內有紀錄一次應銷去紀錄一次抵罰俸六個月仍

罰俸三個月趙炳言任內並無紀錄抵銷恭候 命下道光

二十四年十月十七日題本月十九日奉 旨裕泰著銷去

紀錄一次仍罰俸三個月趙炳言著罰俸六個月欽此

荊州萬城隍志

卷七

官守

處分

十三

隍神之神靈於三師其誠誠言善信對六師其燧此

二十四年十月十七日題本月十九日奉 旨裕泰著銷去

紀錄一次仍罰俸三個月趙炳言著罰俸六個月欽此

荊州萬城隄志卷八

私隄

自來利民者必曰因利而利濱江窮民私築隄滕冀倖收
獲固利其利已今欲毀之不利孰甚不知毀之乃所以利
之也前中丞彭公曰民與水爭地曰利水與民爭地曰殃
殃民者不之去豈足言利民哉荆屬惟宜都居山餘皆有
私隄而江陵石首其尤著也蓋江既出峽多一尺之阻則
須停蓄旁趨泥沙下注積成洲嶼私隄日多水道日狹江
身日高驚濤激溜橫逆四出以與官隄為敵私隄之存其

荊州萬城隄志

卷八

私隄

一

射利也無多其嫁禍也最烈地方有司矜小惠忘大害烏
在其為利民也成案具在按籍以去之可耳

目錄

堤名

江陵

公安

石首

監利

松滋

枝江

成案

其高其味三公於湖與之不勝其甚不取與之民視以味
其高其味三公於湖與之不勝其甚不取與之民視以味
其高其味三公於湖與之不勝其甚不取與之民視以味

荊州萬城隄志卷八

荊州萬城隄志卷八

私隄上

苦草垸名

古埂垸○上接保障垸下至下李家埠約長二十餘里屢經札

飭劄毀有案

由始垸○上連古埂垸札飭劄毀有案

謝家垸○上接古埂垸下至漁埠頭積年押毀有案

白沙洲垸○自郝家洲起至雙聖壇對岸止長約七八里係胡

漢西珍張有益李永興三人倡首私築前經押毀有案

荊州萬城隄志

卷八

私隄

垸名

江陵

二

新泥垸○接新淤洲下亦郝穴對岸洲灘隄長八九百丈有差

其廣狹高低亦與新淤隄脰相埒屢經押毀有案

新淤垸○接白沙洲下隄長計一千五十丈高三四尺及五六

尺有差廣或丈餘係郝穴對岸前經押毀有案

保障垸○據萬城隄上游當邑轄十之七江邑轄十之三長約

二十餘里議修議毀積年有案

苦草洲垸○在南岸上下均與松滋連界長約五六里高六七

尺不等有礙江流同治十二年查勘有案

劉家塢○即馬家寨之私垸有遏江流同治十二年查勘有案

按以上屬江陵境

三聖洲○在北岸文村外洲與江陵劉家塢青安洲接壤所挽
私塢應毀同治十二年查勘有案

按以上屬公安境

張成塢

同仁塢

張仁塢

張澤塢

長裕塢

荊州萬城隄志

卷八

私隄

塢名

公安百首

三

永興塢

張智塢

東張復塢

下張復塢

張新塢

沙圪塢

吳魏塢

黃金塢

高圪塢

魯家垸

仁和垸

萬家垸

俞家垸

崔黃家垸

盧家垸

鄭家垸

劉家垸

魏家垸

荊州萬城隄志

卷八

私隄

垸名

石首

四

吳家垸

蔡家垸

四甲垸

五甲垸

楊發垸

普南垸

十餘垸

張惠東垸

黃耳垸

孟家坑

三合坑○在石首北岸新沙之楊子永發二洲長二十餘里高三丈寬約丈餘飭毀有案

按以上私坑俱係石首洲地在蕭子淵黃鱸口洪水淵殺水灘翁家培菱茨港左右南北寬約六十餘里東西長約八十餘里蕭子淵口分流支河入黃鱸口至監邑之壺瓶澗出大江計長八十里許現在逐段淤塞江流不暢惟張肇張惠三義顧興四坑係咨部請留其餘各坑經石首縣蔡令詳明冲塌殘廢坑民現復補修實與江流有礙屢年

荆州萬城隍志

卷八

私隄

坑名石首

五

查勘有案

小沙洲○巴陵職員何存閣等築咸豐年間監生蕭登榜京控有案

洪水港○巴陵貢生張先璧築亦係部案

白沙洲○劉維佐等築亦係部案

按以上三坑咸豐十一年皆經官節相斷令押毀有案

唐家洲○在朱河汛上接陶家埠下抵口子河兩頭緊連大隄長約十餘里雖傍大堤尙於江流無礙同治十二年查勘有案

按以上屬監利境

苦草洲垸○與枝江連界有礙江流同治十三年查勘有案

張家河垸○咸豐十年潰決未修同治十三年查勘有案

按以上屬松滋境松滋官垸凡八太平垸泰來垸觀音垸

瑤碧垸永固垸永盛垸馬溪垸合衆垸餘皆私築應毀之

青夾洲垸

利字洲垸

郭洲垸

關洲垸

荊州萬城隍志

卷八

私隄

垸名

監利
松滋

六

塽洲垸

壩洲垸

羊角洲垸

浙洋洲垸

沙溪坪○此坪堤脚沖壞無存

黃冢湖

四興垸

長樂垸○現已成湖無隄

長林垸○上下長林包馬廠在內

福星垸

蘆洲垸

按以上十五垸冲潰未修同治十二年查勘有案

華洲垸

上百里洲垸

下百里洲垸

麗新垸

拒浪垸

盈林垸

荆州萬城隍志

卷八

私隄

垸名 枝江

七

保林垸

順興垸

冢子垸

太平垸

永豐垸

複隄垸

東背垸

上和垸

泰興垸

長泰垸

太和垸

永興垸

義興垸○與義和垸共隄

義和垸

自複隄以下九垸皆濱江隄總名六合垸四收垸以上二十

垸現在修築同治十二年查勘有案

按以上屬枝江境枝江各垸多在北岸及上下百里洲均

係居民自築自衛官不經理若江漲大至亦不能阻故歷

荊州萬城隄志

卷八

私隄

垸名 枝江

八

禁私垸枝江無成案可稽且文昌閣一帶順江隄滕與萬城大隄對峙果能堅固不潰亦足屏蔽上游同治九年曾有飭令督修之案因地制宜因時制宜可也

自前朝以來大隄皆置五到縣各六合隄四收隄以上十

大隄

義興垸○與義和垸共隄

永興垸

太和垸

長泰垸

荊州萬城隍志卷八

私垵下

成案

彭中丞查禁私垵灘地疏○竊臣於二月內抵任後接讀

諭旨將湖河灘地禁止侵占一案作何辦理之處查明具奏隨

經檢查舊案以楚省積水之區俱係納有糧課並非官湖可容

侵占至湖邊江岸隙地私築小垵歷係嚴行禁止等因聲明覆

奏在案半載以來臣時時留心體察兼採輿論乃知其間仍有

尙須籌畫者蓋少一阻水之處即多一容水之區則私垵之禁

荊州萬城隍志

卷八

私隍

成案

九

尤不可不既乎其實也查荆襄一帶江湖袤延千有餘里一遇
異漲必藉餘地以資容納考之宋孟珙知江陵時曾修三海八
櫃以設險而瀦水後豪右據以爲田汪葉力復之又荊州舊有
九穴十三口以疏江流會漢水是昔之策水利者大都不越以
地予水之說也自滄桑變易故迹久湮現在大江南岸止有虎
渡調絃黃金等口分疏江水南入洞庭當汛漲時稍殺其勢至
漢水由大澤口分派入荆夏秋汛漲又上承荆門當陽諸山之
水匯入長湖下達潛監瀾漫無際所恃以爲蓄洩者譬諸一人
之身江邑之長湖桑湖紅馬白鷺等湖胸膈也潛監沔陽諸湖

下達沌口尾閘也其間潑洄盤折之支河港汊則四肢血脈也胸膈欲其寬尾閘欲其通四肢欲其周流無滯無如三襄之水性濁多沙最易淤積有力者因之取利如鷺始則於岸脚湖心多方截流以成淤繼則借水糧魚課四圍築隄以成垵在小民計圖謀生惟恐不廣而不知人與水爭地爲利水必與人爭地爲殃川壅而潰益有自矣臣伏查舊案節據荆宜施道屠嘉正安襄鄖道王概議將未有之垵永禁私築已潰之垵不許修復詳請飭遵補偏救敝誠爲允當惟是利之所在民間每不憚百計以求勝而地方有司未能規及遠夫少不留意則私築之弊仍不能免者縱令道府親查而曾否加添究屬無憑臣再四熟籌竊以爲積習既成挽回非易今欲復三海入櫃之舊勢誠不能亦祇杜其將來而不使垵之增多則當先查其現有而確知垵之定數現在惟有檄飭各該州縣於冬春之際親行履勘將闔邑所有現垵若干各依土名查清造冊由府核定齎送各衙門存案嗣後卽以此次所查著爲定數聽民安業此外永遠不許私自加增卽一垵之內亦不得再爲擴充仍令該管道員於本年出巡之便逐細詳查加結具報則有無增添按冊可稽而各州縣之實心奉行與否亦可藉以查核勸懲至此後遇有

荊州萬城隄志

卷八

私隄 成案

十

淤灘原係民間納糧之地或種麥豆或取柴草均聽自便但不
得另築垸塍以妨水路如此而愚民不致因小失大地方有司
亦不敢姑息怠玩自貽紊處而與水爭地之錮習亦可少息矣
乾隆十三年

來觀蔡禁築蕭子淵示○本年八月十四日據江陵縣監生黃
先聲監利縣生員朱騏石首縣里民曾俊武呈稱生等三邑因
石邑王嵩六等違例閉塞雙淵口蒙憲親勘押疏取具王煥等
永不閉塞甘結在案是誠三邑士民所歡欣鼓舞而仁憲之功
不在禹下矣但未蒙給示勒石誠恐日後淤塞有負憲恩生等

荊州萬城隍志

卷八

私隄 成案

十一

仰體德意情願捐貲建立石碑永爲鐵案伏乞賜示鐫勒庶生
等三邑士民得沐憲恩於無既矣沾恩上呈等情查士民黃先
光等呈控石首縣民王嵩六等堵塞雙淵口水道一案當經本
道於乾隆二十年四月初二日傳集兩造親詣該地勘得江邑
之拖茅埠隄南與石監等邑接壤該處大江之水自西而來水
漲則分入蕭子淵口直出雙淵口往東仍歸大江此水故道也
前有監生李士範等堵塞蕭子淵口經盧陞道勘明飭縣開疏
在案詎王嵩六等住居附近之王家壩又師李士範等故智肆
圖影射爲蓄魚計將雙淵口築隄堵塞將來江水入蕭子淵口

下無出路勢必旁溢橫射大隄侵刷堪虞且江邑東鄉糧食船
遇水泛之時向由拖茅埠上進雙淵口以達沙市糶賣今塞雙
淵口舟楫不通必東出大江西轉石邑城下再由西北經吳席
灣而後抵沙市計程較遠一百四五十里甚爲不便詰訊王嵩
六等亦俯首無詞當諭居民等將雙淵口私隄立刻開疏訖取
具王嵩六王調元等不敢再行堵塞甘結立案今據前情除批
示外爲此示仰拖茅埠地方士民人等知悉遵照示內事宜嗣
後該處河路如雙淵口蕭子淵等處永禁阻塞以通水道倘有
愚民再行私築利己損人者許士民執案呈告以憑嚴拏究處
荆州萬城隄志

卷八

私隄 成案

三

各宜凜遵毋違

乾隆二十年

阿公相畢制軍會奏創毀私堰部議○萬城隄外龍尾等洲民
人私築土堰既據奏稱有礙漲水流行亦應概行創毀違者究
處 乾隆五十四年

張那丞移覆保障古埂等垸由○案奉督憲札飭據水師營守
備張永興稟稱竊守備遵奉札飭派令駐扎萬城堵截教匪兼
防萬城隄工據萬城隄外古埂垸民人余克傳等稟稱民等古
埂垸坐落萬城隄外上接保障垸下接謝家垸三垸接壤外禦
沮漳二河之水內護大隄十工關係匪輕由來久矣蹇遭乾隆

五十三年江水漫潰嗣經業民趙殿山生員陳光國等稟請戎憲委勘督修給有告示復稟道憲蒙批飭府委員勘修迨因江水逐年頻發民力拮据興工稍遲茲屆二麥登場恭遇恩臨萬城民等只得恭懇賞勘申聞給示督修按畝派費限期趕竣庶垵堤穩固賦命兩全等情據此守備隨勘得古埂垵係歷來民堰雖被江水漫潰舊隄尙存其殘缺低矮之處需工無幾且坐落萬城隄外上自保障起下至漁埠止包護大隄二十餘里之遙一經補築匪獨該垵賦命有全實爲萬城之捍禦下游之保障當經飭令該垵業民擇選殷實之人爲首按田派土秉公督

荊州萬城隄志

卷八

私隄

成案

十三

修並不時飭令勒差趕做務趁江水尙未盛發補築堅固以資防護於下游一帶隄工往來稽查嚴飭防卡兵丁督率隄圩民夫晝夜巡防不致疎懈隄工要務知崖憲注合將飭修古埂垵以資防護及委員巡守隄工緣由稟請查閱等情查隄外江灘修築私垵有干例禁今該處之古埂垵是否報部有名據稱曾經陳光國稟道批府勘修有案如果屬實何以早不料理況古埂垵綿長二十餘里必有阻遏江流之處該業民等名爲保護隄工實則與水爭利在下漁埠以上固得資其捍衛之益而下隄工以及沙市上流阻塞必致奔騰直下更爲著重所關匪

細該備並不稟請勘辦率准派土修築殊屬擅專合行札飭該
府立即移知清軍同知張承勸明所築堤隄是否有礙江流應
否聽其修築並查明古埂堤是否報部官堤即日稟覆核奪等
因查此案前奉汪撫憲札當經飛移查勘迄今未准詳覆茲奉
前因合再移催煩爲查照刻即前往古埂堤勘明是否阻遏江
流於萬城大隄有無關礙迅即確勘繪圖貼說並查明是否報
部官堤一併移覆等因敝廳遵即束裝起程於防護大隄之便
隨赴古埂堤週歷查勘該堤坐落萬城隄外灘地上接保障堤
下接漁埠頭綿長二十餘里其沮漳二河水漲即由此地宣洩
荆州萬城隄志

卷八

私隄 成案

古

徑達沙市順流而下該堤若任挽修河面日漸窄狹水勢必至
漫溢下游一帶隄工勢必受驚難資捍衛當復詢訪土人僉稱
該堤雖名古埂實係舊有路埂一條並非有堤之堤隨查乾隆
五十三年阿公相會同畢制憲 奏定章程內開凡隄外龍尾
等洲民人私築土堰有礙漲水流行之地概行創毀違者重究
久經遵行在案今查古埂堤並非報部官堤膽敢私行修築阻
遏江流所關甚鉅應請嗣後聽其自廢不許復行修築以遏水
道

嘉慶元年

按此堤附近沮漳二河接連大隄與保障堤同一形勢萬

不可恃無此障蔽每年洪水漫灘必浸隄脚漲痕高下土
性駁鬆藉以考驗酌估歲修若外有私垸一經潰決激溜
內射大隄乾燥驟當暴漲罅漏百出實爲可慮後之好行
其德者尙不止張守備也

陳觀察劄毀私垸示○照得石首縣大江南北兩岸沙洲原爲
江水泛漲時散水之所所以該處私垸久經奉文殘廢有案前
於嘉慶十二年督憲臨荆有該洲民人等購案呈請修復廢垸
旋據江監士民紛紛具控均奉批府勘訊茲經本攝府親詣該
處確切勘明新修各垸均屬有礙水道必須一併拆毀現經訊

荊州萬城隄志

卷八

私隄 成案

五

供取結通詳各憲在案查該洲兩岸內除梅肇張肇張惠顧興
三易五垸本係舊存應聽修復並續請修復之三協三合楊發
張復四垸遵照原案只應高不盈丈不准增修其餘張成同仁
張仁張澤長裕永興張智張惠東張復下張復外張新沙垸吳
魏黃金高培魯家仁和等十七垸並私自增築之萬家俞家崔
家盧家鄭家劉家魏家吳家蔡家等九垸俱應一律平毀本攝
府因念爾等小民前已出費挑築今平毀此隄又恐拋荒無益
夫工未免拮据今酌擬將已修廢垸就迎遏江流之處棄拋挖
開三口至二三口每口寬自一百丈至二三百丈不等俾風水

長發可以往來流通並無阻隔而未毀之隄亦可漸次殘廢除
委員評令開挖外合併出示曉諭爲此示仰石首縣各私垸業
民人等知悉凡屬爾等應廢之垸即行遵照斷案各照所具限
狀開口丈尺趕緊開挖自開挖後聽其殘廢不得私自加修其
萬家等九垸亦各遵照趕緊挖毀倘敢觀望延挨及以後擅自
私修一經訪聞或被告發定即立拏治罪決不姑寬

嘉慶十四年

雖太守請修古埂垸稟○萬城隄之上游各隄外原有古埂保
障等垸於嘉慶元年經水師營張備稟奏前制憲畢批府查勘
因古埂等垸未經報部有名致未修復迨嘉慶五年前任張守

荊州萬城隄志

卷八

私隄 成案

十六

以該處今昔情形不同又以各垸實爲大隄之叠障是以令各
垸之各業民修築在案自今修築以來凡於沮漳盛漲以及大
江汎漲各垸隄俱資抵禦江水均未淹到大隄惟於十八二十
等年沮漳與川江並漲以致漫逾垸隄淹至大隄迨至水落後
各垸民等仍復照舊修補連年均無盛漲江水仍爲垸隄抵禦
大隄並未受水卑府詳查各垸既在寧金洲之上距大江較遠
既無礙於水道且該處一帶之大堤實爲荆郡之緊要有應隄
外有隄更多護衛是以前任張守以各該垸隄埂實爲大隄之
叠障令其修築在案惟各垸隄身較大隄矮小是以千八二十

等年俱經漫溢卑府詳加籌酌自應先事預防特示諭各垸戶人一律加高培厚既免失業更免江水盛漲一有漫潰衝動大隄並委在荆聽差之從九程鉅前往各該垸督飭業戶人等一律趕辦以仰副大人慎重江防念切民瘼之至意

嘉慶二十三年

按雒太守此稟與張守戎意見相同皆未諳地勢耳

周制軍飭押毀私垸札○照得荊州萬城大隄爲全郡及下游各州縣城郭田廬保障最關緊要昨經本部堂親臨查勘各段隄身尙稱穩固惟隄外沿江淤成洲灘地面甚爲寬濶內有土埂小隄顯係該處居民私行修築在蚩蚩愚氓只圖一己之私

荊州萬城隄志

卷八

私隄 成案

七

利以爲可以防護田廬殊不思私垸一作挺峙洲灘江面日漸逼窄一遇水勢盛漲勢必潰決以破裂小垸之勢水益奔騰勃怒如萬鈞之撞風浪驟至大隄焉能支持今年保障垸決口大隄幾至崩潰此其明驗若不及早拆毀任其阻遏江流將來貽患伊於胡底合亟札飭該縣即便遵照刻即查明萬城大隄之外沿江淤洲地面所有無知小民私築垸隄已潰者不許再築未潰者迅速嚴督創毀即使內有大冊完糧田地亦即查明詳豁仍立碑示禁該垸民如敢不遵致有失事定照寧金洲蕭姓大案辦理斷不姑寬除 奏明示禁外特先嚴札告誡各該縣

務當認真查辦仍將遵辦緣由刻日先行稟覆查考

道光十九年

王太守飭毀古埂皖札○案查前奉督憲札飭以萬城大隄之外沿江淤洲地向小民私築皖隄一遇盛漲勢必潰決水力奔騰勃怒如萬鈞之撞風浪驟至大隄焉能支持並以保障皖本年決口大隄幾至崩潰飭令嚴督押毀勿使任聽阻遏江流並令將內有入册完糧田地查明詳豁如敢不遵致有失事定照蕭姓大案辦理並奉 奏明永禁修復等因當經轉飭江陵當陽二縣嚴督創毀繼復不次札催並飭差查勘在案延今尚未遵札創毀實屬違延合亟札飭該員立即遵照刻速會同江陵荆州萬城隄志

卷八

私隄 成案

六

當陽二縣馳赴保障古埂謝家等皖嚴督該皖長將各皖隄趕緊創毀淨盡案關 奏明永禁之件慎毋任聽違延有干未便
道光十九年

孫沙二令會覆保障皖稟○勘得該皖坐落上萬城大隄之外由西南而至東北約長十數里係屬當陽縣管轄地境東靠大隄西界柳港小河接連沮漳河口沮漳之水緊對大隄直出小河由保障皖及萬城隄外之古埂由始謝家等皖傍隄順流而下出簪箕窪入江西南係屬大江中隔枝江百里洲皖相距保障皖約有五六十里東北接抵堆金埕俱在小河以內距大江

較遠卑職等相度形勢該保障垸不惟不礙水道亦不阻遏江
流並可爲大隄外護設遇沮漳河水及荆江大汎同時漲發大
江之水由管箕窪倒漾而上則沮漳爲江水頂托不消亦係該
垸先受衝刷如果垸隄穩固足資抵禦大隄即可保護無虞至
於大江急溜勢不能旁趨逆上故歷來未聞該垸有礙江流迨
至道光十九年江水盛漲漫過枝江百里洲隄水勢氾濫通連
沮漳汪洋一片衝潰保障垸以致水到萬城隄腳日爲風浪
所擊間有洗刷浪坎並非該垸束水衝潰之故細加查勘是保
障垸既爲大堤外護並未阻礙水道存之似尙有益况昔年取

荆州萬城隄志

卷八

私隄 成案

七

名保障二字似亦保障大隄之義垸內軍民田畝參錯其間爲
數不少既有軍田則知該垸由來已久與沿江洲地所築私垸
阻遏江流者不同抑且民賦攸關屯糧倚賴一旦廢棄又與國
計民生兩有窒礙惟查十九年十一月內曾奉前督憲周 奏
報查勘湖北被水各處分別籌辦撫卹並借欵修復潰缺隄塍
案內聲請將沿江私垸一律拆毀札行轉飭江當兩邑各前縣
押令保障垸業民將垸隄陸續挖毀並飭詳豁田糧在案該業
民等因而呈請修復其實 奏案內並非專指保障垸而言以
現在情形而論似可准其修復實於官民兩有裨益

道光二十
二年七月

裕制軍奏毀保障等垵疏略○李家埠向有淤洲一片名曰保障古埂謝家等三垵該垵民私築土隄以攔沮漳之水並於李家埠對面設閘宣洩遂致河身偏仄水難暢行一遇汎漲垵隄輒潰大隄因而喫重現在該隄外溝道即由開口直貫而入衝刷成河是其明驗查該垵民僅完蘆課爲數甚微臣現飭該道府督同江陵縣勘明押令全行創毀並查明完課銀數詳請咨部豁免俾暢江流而免貽患

道光二十四年

按保障一垵議修議毀率以江漲爲言是知其一不知其

二也此垵距江尚遠而當沮漳上游一面臨河兩頭緊接

荊州萬城隄志

卷八

私隄 成案

三

大隄周遭萬餘畝沮漳俗呼小河寬不過數十丈對岸私

垵林立萬一蛟水暴發江漲並興水道太窄宣洩不及勢

必漫溢爲害垵潰則兜水不消逼溜內射不潰則由堆金

培空處漫隄而過皆屬可憂甲戌驗收官工時曾巡歷一

週垵西頗形單薄兩頭高與大隄埒現飭垵民一律削低

大隄三四尺聽其培厚不得加高是亦調停之一法此件

與前雜太守稟本可不存然後人必有爲是說者錄之以

見乘輿濟人未爲惠也

裕制軍飭毀私垵批○查萬城大隄外之保障古埂謝家等處

垸隄切近沮漳河議者以爲重門叠障藉資大隄保護殊不知各該垸堤形本低每遇大汎無不先潰則口門逼溜直趨大隄勢如破竹理固然也現當兩次失事之後必得速籌善後以資保衛仰荊州府督同江陵縣迅即查勘保障等垸隄築自何年隄內洲地曾否陞科共完糧銀若干有無阻礙大隄應否全行創毀以暢江流悉心籌議刻日通稟核辦事關要工民瘼慎毋稍涉遷就顛預切切

道光二十四年八月

官將軍飭押毀私垸札○照得夏汎在際江防最關緊要所有萬城大隄以至監利之螺山一帶南北沙洲不准民人私行自

荊州萬城隄志

卷八

私隄

成案

三

挽垸隄有阻江流有挽者即行創除倘敢故違即照違令例正法示衆合亟札知該署府遵即嚴切曉諭一體遵行毋違可也

咸豐五年三月

官制軍押毀私垸示○照得湖北監利縣監生蕭登榜等京控湖南巴陵縣職員何存閣貢生張先璧華容縣監生劉開甫等私築洲隄阻遏江流等情業經提齊人卷審明定擬查何存閣所築小沙洲橫隄已據創毀淨盡其直隄三道與監利地方尚無妨礙無庸創毀以後直隄一仍其舊永不准再行加高已毀橫隄不准再事修築而張先璧所築洪水港隄擋雖已衝潰尚

有未潰之處亟應押毀淨盡使荆江洞庭兩處之水得以暢流不致阻遏爲害其劉維佐等所築白沙洲私隄業已衝潰口門五處共長數千丈水勢可以分洩斷令均承不准私築培修以利江流而杜訟端除咨部核復並行岳州府飭縣押毀外合行出示勒碑嚴禁爲此示仰各該縣士民人等知悉遵照斷案迅將應毀之處刻日創毀淨盡務使水道暢流不致阻遏頂衝爲害永不許私築培修自示之後倘有不法紳民藉端影射違禁私築培修滋生事端一經發覺定即拏案從嚴懲辦

咸豐十一年四月

官制軍飭毀監利私垸批○據委員聶丞會同巴陵縣惠倅華

荊州萬城隄志

卷八

私隄 成案

三二

容縣劉令監利縣唐令勘明小沙洲洪水港白沙洲各處情形繪圖貼說稟覈核辦緣由奉批水道總宜宣洩不宜築塞况江路沙淤日增豈可復加築土埂以遏其流自應先行疏通口門方免橫流不致有漫延之患查核所稟會勘何存閣張先璧劉開甫等私築各隄已將小沙洲隄埂押令創毀淨盡其洪水港既居荆江之西南口門北向沙淤漸高兼之築有隄堵發源之水由此港分洩夏秋水漲會合而出其該處沙淤隄埂未免有遏水道亦應設法疏通以分水勢而免漫淹至小沙洲存留直埂三條長抵老隄西行六十里之遙並洪水港所築之隄埂以

及白沙洲隄埂一道順江二十餘里均難保不礙水道阻遏江
流應否一律押毀疏通之處未據詳細聲明碍難核辦仰此布
政司即飭該員等遵照再行逐一妥勘明確將應毀應疏各處
據實繪圖貼說明晰稟覆以憑核辦務期兩岸民舍田廬均有
裨益事關水利民瘼所繫毋稍率忽爲要

咸豐十一年

唐太守申覆保障皖隄無庸修復稟○案奉憲台札飭會勘保
障皖隄情形應否准其修復應即委員會同該縣等履勘繪圖
貼說妥議通詳核示等因卑府當即移請糧捕廳忻丞會勘去
後旋准牒稱勘得保障皖隄係當陽縣所轄坐落萬城隄外自上

荊州萬城隄志

卷八

私隄 成案

三三

堆金埕起下至萬城隄止計長十四里內離萬城大隄七八里
不等隄外古埂皖亦係當陽所轄該隄離大江甚遠隄外並非
淤生沙洲設遇沮漳與大江並漲沮漳之水爲江水頂托難消
該處如無皖隄沮漳之水直抵萬城隄腳難免不受冲刷若修
築皖隄必須與大隄平面加高培厚面寬一丈底寬六丈料高
一丈按二五收分層土層礮堅實築起則可爲大隄外護等因
卑府伏思該丞等會勘保障皖隄如果加高培厚修築似於大
隄亦資保衛自係今昔情形不同原可變通辦理惟查萬城隄
外沿江洲地道光十九年會奉前督憲周親詣勘明不准私築

隄隄已潰者不許再築已築者飭令創毀奏明立碑示禁嗣於二十二年據當陽縣民蔡宣和等呈請修復又經卑前府詳請准令業民循舊修復二十四年又奉前督憲裕以該處隄外向有淤洲一片名曰保障古埂謝家等垸該垸民私築土隄以攔沮漳河之水並於李家埠對面設閘宣洩遂致河身逼窄水難暢行一遇汎漲垸隄輒潰大隄因而喫重該隄外灘溝道卽由閘口直貫而入沖刷成河是其明驗飭令督同江當二縣勘明押令全行創毀各等因在案若遽然更張准其修築誠恐修築未必堅固一經沮漳之水泛漲各垸不能抵禦反致有礙大隄

荊州萬城隄志

卷八

私隄

成案

三

且與奏案不符未便因其無礙大隄率准修復轉滋貽患

咸豐十一年

年十
二月

唐太守飭造謝家等垸糧米冊結札○案照謝家古埂由始三垸各垸民私築垸隄以保田禾一案前經本府訪聞後當卽差傳該三垸居民業戶人等到案諭以該民所修該垸隄滕誠與該垸有益而於萬城隄身毫無窒礙豈非兩全本府亦復何所拘執惟任該垸民等違禁修復設大水汎漲竟致頂衝直刷撼動萬城隄腳是上無以符從前之 奏案下無以對沿隄之百姓甚非一視同仁之道茲該垸民等正在修築一經差傳卽各

紛紛赴案自願具結創毀但求仍復前議免其完納糧米等情
俯首堵前深爲可憫卷查道光十九年十月初督憲周親詣勘
明飭道府等立將緊靠大隄私築小垵迅速押令平毀所有阻
礙江流業經入冊完糧田地奏請查明豁免奉旨允准

在案迨二十年三月糧憲以該前縣蔡令詳請豁免該垵南漕
米石隨漕驢腳造賣各冊多與原奏不符碍難照轉其議遂寢
至咸豐八年該前署縣岳令背案徵收南漕米石並准修築私
隄實屬不知政體本府既查悉前情允爲該垵等再行通稟請
免其各靜候大憲批示祇遵並候行知該縣造報各垵實在應

荊州萬城隄志 卷八 隄 成案 三五

完糧米驢腳若干冊結詳覆該垵民等亦即據實自行呈報以
免歧悞倘或垵中再有不安分之人歛費倡修私隄即以違
旨論罪毋貽後悔等因除出示曉諭外合行札知該縣立即遵
照迅將謝家古埂由始三垵實在應完糧米驢腳若干趕緊造
具冊結各七本紙具文詳覆以憑核辦該縣毋得遲延同治元
唐方伯飭毀馬厰土墻私垵札○照得萬城大隄及所屬各縣
沿江隄塍均爲田廬保障最關緊要凡隄外私挽私築久經奉
旨永禁前據該府以石監等縣洲民藉口厰地築墻私挽隄塍
窒礙江流等情稟奉院憲批司移飭該管道府督同各該縣嚴

密確查凡淤洲馬廠所築土壩土埂果如礙於江流者無論是
旗是民一概押令創毀嚴行禁止仍將查辦情形隨時通稟核
辦嗣於水落之際誠恐不肖奸民仍於隄外私挽隄垸又經札
飭認真查辦以重隄防各在案迄今數月杳無文報殊屬違延
合再專札嚴催該府立即轉飭遵照迅速查明濱江之處如有
私挽隄勝立即押令創毀淨盡開單具報事關水利重務必須
認真辦理毋再泛視違延致干未便

同治五年

荆王二將設

方太守訊結黃鱸口私垸判○查訊得江邑監生楊位祿等石
邑生員崔晴川等互控私修垸隄並江邑監生侯華璿等控楊

荊州萬城隄志

卷八

私隄 成案

三

位祿明疏暗閉各情一案經本府履勘明確查嘉慶年間成案
載有江水分流入石邑蕭子淵口進口之後又分爲二一南入
黃鱸口由龍王尾一東入蘿葡港由南河回歸陳王二湖達監
邑之壺瓶套入江石邑民人周文遠等將黃鱸口堵築接挽久
廢之張惠東垸使水不能南下監生何子俊等將南河堵築接
挽翁家垸使水不能東流等語現在楊位祿等開疏之黃鱸口
水向南流崔晴川侯華璿等所指之黃鱸口水向東流以方向
考之楊位祿等並無錯誤是黃鱸口水道應由顧興垸隄濠菱
茨港出大漕沙溝歸陳王二湖本不由翁家台經過毫無疑義

所有崔晴川等控楊位祿等謬指顧興隄濠爲黃鱗口侯華臻等控楊位祿等明疏暗閉一節應毋庸議顧興垸倚首家隄上截從野茅觀起野茅觀原名武當觀載在石首縣志楊位祿指控崔晴川等私修之崔黃耳垸正在野茅觀地方正倚百家隄上截其爲顧興官垸並非崔晴川等私修可知所有楊位祿等控崔晴川等私築崔黃耳垸一節亦無庸議惟楊位祿等在於王家拐大隄外緊接官修箭隄私築土埂一道又在菱茨港岸上私築土埂一道又從上孟家垸大隄外起至滿營鑲白旗土堵止私築土埂一道崔晴川等在洪水淵大隄外私築萬黃小荆州萬城隄志

卷八

私隄 成案

七

垸劉慶位等在化瘴湖地方私築丁家垸均屬阻遏江流在水落之時江水下注洲灘私垸原無阻遏如遇汎漲則一片汪洋洲面卽爲江面江流所經私垸橫挺豈能無礙亟應一律創毀以暢江流斷令王家拐隄外官修箭隄計長一百二十丈仍應照舊存留所有楊位祿等緊接箭隄私修隄埂及菱茨港岸上土埂上孟家垸隄外土埂並崔晴川等私修之萬黃小垸均着趕速創毀淨盡永禁不准再修楊位祿崔晴川仍發江陵縣交差管帶俟創毀淨盡後再行提釋卽取具一比甘結呈核其私築丁家垸隄之劉慶位曰可惠等未經到案除詣勘時已將楊

位祿扭獲聽從劉慶位挑築私隄之土夫毛文升張縉南責懲
開釋外候札飭石首縣差拏劉慶位等押毀具報此諭
方大守申覆張成垸詳稿○查此案該生員李申焜等所修垸
隄果係志載准修官垸其被控斂費搶牛各情既經職員席成
萬等處釋呈經該縣取有供結原可准其銷案惟調核文卷同
治二年據該縣武生魏詞鴻等呈控劉永均等倡修張成垸隄
經前道府飭據該前署縣胡令訛詳以張成垸隄係縣志載明
准修官垸請仍照舊歲修如將來該垸有礙江流即行平毀仍
不准於老隄之外上下私修批准照辦在案今李申焜等藉張

荊州萬城隄志

卷八

私隄

成案

五

成官垸名目在於老隄上下添挽私隄該縣業經會委勘明據
稟現築隄塼本較老垸寬大上下添築是實既係添築即是私
修自應照案平毀以暢江流乃該職員席成萬等因調釋訟案
請息含糊具呈希圖朦混如息詞內云稱張成垸一帶即明時
之赭要洲原有田三萬畝周圍築有土墻卑府查乾隆六十年
石首志載赭要洲楊子洲在縣東註云此二洲府志從水經註
探入今以版圖稽之實未詳其所在等語縣志既未詳其所在
該職員等何所見而云張成垸一帶即赭要洲又何所見而云
赭要洲之周圍築有土墻似此任意影射實屬荒謬無稽又稱

既非平空私築亦無阻遏江流志載可考卑府查志載只有張成垸卽所謂張成老垸也老垸上下尙有何垸志並未載何得任意朦混該縣來詳既謂志書所載與該職員等所呈相符又謂江流亦無妨礙且可爲該縣梓楠大隄外防殊不知江水隨時消長節屆冬令水落歸槽洲地私隄自然無礙江流如屆汛漲江水湧發則一片汪洋洲面卽爲江面皆江流所經私隄橫挺豈能無礙該邑境內私隄林立多借官隄外防爲名若不嚴禁則外防之外又有外防爲害伊於胡底該縣一味姑息不特准其私修且於新志內載張成垸之下添註分上中下修築等

荊州萬城隄志

卷八 私隄 成案

語現據該邑生員高宏遠等赴府具控應卽押令將張成垸老隄上下添築私隄一律平毀並將新志更正另詳核辦

按顧興垸與石首南隄止隔一港寬僅里許若江漲漫灘

實於大隄有礙甲戌估工飭其退挽十丈而江水入港分

注石首南隄由金果寺下達拖茄終爲大隄之患復令堵

塞至口俾港水經由顧興隄濠東去從此金果爲緩工矣

方太守訊結青安六總私垸判○查訊得江陵縣民人王國興

等武生沈志才等互控私挽洲隄一案緣王國興毛峻峯與魏

光恒謝廷揚均在范家洲隄外六總地方武生沈志才貢生沈

俊安生員張以昭均任青安洲地方兩相接壤西邊是大江東邊是范家洲大隄范家洲上首卽是文村大隄范家洲隄外向有自東而西古溝一道俗名西流溝溝南溝北各有大路一條北路直抵文村隄外老隄拐南路直抵康純才門首路之高低與兩旁田地相等溝低於路向無隄埂同治元年以後沈志才等陸續將路加高又將溝填滿高與路平南北兩路埂合而爲一上起文村隄外老隄拐下止康純才門首計長三百六十七丈六總青安兩地方均包在內五年四月王國興等因沈志才等加修大路挖壓伊等田地公議賠補錢六十串交王國興等

荊州萬城隄志

卷八

私隄 成案

三

照挖壓多少分給各地主寫立招挖字據寢事是年六月初九日江水泛漲大路中間衝潰一口六年春間商議修築沈志才等與王國興等意見不合沈志才卽從老廢隄脚平坡起至潰口南邊路埂止斜築橫隄一道長五十餘丈高四五尺面寬丈餘底寬三四丈不等又從潰口南邊路埂起至康純才門首止一律加高培厚面寬五尺底寬二丈高四尺是爲青安洲私堤所有潰口北邊六總地方悉圈在青安私堤之外王國興等亦從王大經門首起至潰口北邊大路止另築橫隄一道長二十二丈面寬四尺底寬二丈高六七尺又自潰口北邊大路起

至老隄拐止一律加高培厚面寬四尺底寬一丈一二尺高二尺又自范家淵五號廢隄脚起至西首高坪止添築橫隄一道長四十四丈面寬三四尺底寬二丈六七尺高一丈是爲六總私坑兩私坑由合而分互控到府當經飭縣勘訊未據詳覆嗣因本府赴大隄查驗便道親詳勘明情形傳集人證兩造各供私築坑隄不諱查沿江洲地私挽坑隄阻遏江流實爲大隄之害歷經奏禁在案洲民日久玩生往往藉修路爲名任意私挽官如查究則曰此人行大路也非私隄也官不覺查則逐漸加高逐漸培厚日復一日年復一年遂成爲私隄此案沈志才

荊州萬城隄志

卷八

私隄 成案

三

魏光恒等藉修路爲名私築坑隄實屬不顧大局本應嚴懲姑念到案卽俯首認咎情願具限創毀從寬免究斷令王大榮趙光中沈俊安張以昭王國興謝廷揚等卽將青安六總兩處私隄趕緊創毀每十丈遠創挖一口以暢江流嗣後永遠不准再修沈志才魏光恒毛峻峰仍發江陵縣交差管帶俟創毀後再行提釋卽取具各結呈核並行縣知照此判

同治六年

方太守飭毀新泥洲私坑札○案查前據該縣民人覃金範等赴府具控貢生覃金玻等在新泥洲糾衆修築橫隄不惟挖壓民田且與和穴大工有損等情隨經本府批發該縣查明押毀

繼復兩次札催未據遵辦詳覆本府前赴大隄督修道經郝穴親見對面江灘多人修築垸隄當面諭隄差往查據隄差彭高陞查覆所築私隄實屬兩垸上垸名爲新淤下垸名爲新泥兩垸連形長有十餘里脚一丈有餘面四五尺高六七尺並開具修築兩垸私隄紳首各姓名前來又經本府札飭差拏押毀訛辦去後繼又札催在案仍未據詳覆實屬玩違合再札催該縣立遵前令檄催迅速比差刻將上垸新淤洲保正孟詩禮貢生胡裕壽職員胡裕芳楊美藍下垸新泥洲保正許尙賓首士孟詩統及覃金範等所控之貢生覃金玻監生覃自榮速拏到

荊州萬城隄志

卷八

私隄 成案

三三

案嚴訊究辦並押赴該洲刻將私築隄滕趕緊創毀淨盡限即日內具報查核倘該差役受賄縱延定即提府杖斃不貸該經書摺案延宕亦即頒行鎖封拏府嚴究

同治六年

方太守飭毀石首丁家垸札○照得本府前詣金果寺大隄查勘該縣生員崔晴川等與江陵監生楊位祿等互控黃鱸口一案見該縣屬鑲白旗馬厰土墻之西新修垸隄一道兩頭尙未搭腦中間已經修築者約計四百餘丈面寬五六尺底寬二丈五六尺高五六七尺不等當將挑築私隄之毛文升張緒南拏獲訊據供稱該處地名化張湖係石首縣管轄所挑丁家垸私

隄是本年劉慶位同保正田可惠等派令修築等供查大隄外
洲灘私挽垸隄久奉嚴禁該處私垸前據江邑監生嚴輝章具
控當經祿前府札飭押毀接據該前縣賀令以丁家私垸隄長
四里餘創毀需時恐未毀盡卽值江水漲發難免有所阻遏因
相度地勢開挖口門八十七處以暢江流並將倡首之周開榜
劉慶位分別枷杖取具切結等情稟覆又經批示押令一律創
毀淨盡在案迄今九年之久乃劉慶位等不惟抗未平毀膽敢
復行加修實屬愍不畏法當將挑土私築之毛文升等責懲著
令將所築之隄一律創毀並札飭押令毀盡去後迄今未據具

荊州萬城隄志

卷八

私隄 成案

三三

報合行札催該縣卽便遵照飭差押令趕緊一律創毀淨盡具
報並差拏劉慶位田可惠等務獲從嚴究辦毋再違延致干未
便
同治六年

方太守飭毀楊子洲等私垸札○案照前據江陵縣監生朱上
亭等赴府具呈萬城以下一帶大隄原屬荆郡保障濱江洲地
例禁私挽垸隄近有石邑劉守光等在濱江北岸新淤之揚子
承發三洲違例私挽名曰三合垸隄長二十餘丈高三丈寬約
丈餘又濱江南岸劉發洲久奉飭毀禁築之同人垸焦先謨等
違案復修南北兩垸橫扼江流等情一案久經慶前府批發該

縣勘明平毀並經本府札飭遵辦在案迄今汎漲已臨仍未據報創毀實屬藐玩合再札催該縣立遵前令檄催刻速親詣勘明押令該洲民劉守光焦先讓等各將私垸隄塍一律平毀毋任延抗致礙江流

同治六年

晉中丞飭押毀私垸札○照得湖北素稱澤國其濱臨江漢各州縣全賴隄塍以資保障既爲民田廬墓之所關卽屬國賦正供之所繫官斯土者於認真修防之外而興利除害益當急切講求者也近年江河日漸淤高源流本自不暢訪有各屬無知業民惟圖利已往往於一垸一區私築隄埂子垸阻遏水勢

荊州萬城隄志

卷八

私隄

成案

三四

每遇汎漲來源既旺消道梗阻則橫流衝激必致潰決隄塍以分其流是各屬垸隄旋修旋潰其害實由於此更有不法之徒因已垸積水難消故將官民各隄盜決成口以冀宣洩罔顧隄內田舍盡沉波底桑田滄海變生須臾言之尤堪髮指亟應認真嚴禁私築盜決以順江流而衛民生合行札飭該府卽便遵照轉飭有隄各州縣督同汎員保甲人等查明濱江濱漢各區垸如有私築隄埂子垸立即押令一律創毀寬其既往一面剴切示禁各業民嗣後不准於向有官民各隄之外擅自私挽子埂以及故意挖決隄塍利己損人如敢再蹈前轍立即查拏到

案訊明分別照例從嚴稟辦此事敝臨國計民生務期各牧
合會督有隄各汛員實力查辦慎毋視為具文因循違誤並令
該州縣於年終出具切實印結通資備案

同治六年

示

榮太守押毀私堤批○查此案前據署石首縣胡令訛詳張成
老堤有高低田三千餘畝係志載准修官堤請仍照舊歲修如
將來有礙江流即行平毀仍不准於老隄之外上下私修經前
府批准照辦嗣李申琨等藉張成官堤名目在於老隄上下添
挽私隄委員會同該前縣朱令勘明所築隄滕較老隄寬大上
下添築即是私修冬令水落歸槽洲地私隄無礙江流汎漲江

荊州萬城隄志

卷八

私隄 成案

三

水湧發一片汪洋私隄橫挺豈能無礙北岸大隄該邑私隄林
立多借官隄外防為名若不嚴禁則外防之外又有外防為害
伊於胡底該前縣准其私修且於新志內載張成堤之下添註
分上中下修築該邑生員高宏遠等赴府具控應即押令將張
成老隄上下添築私隄一律平毀並將新志更正經方前府詳
奉學憲批示飭遵並札飭該縣遵辦在案該縣吳令乃不遵照
將張成堤上下私隄平毀在該洲分設上中下三局發給告示
印簿每畝派徵土費官費錢四百八十文小費錢四十八文派
差督催添築長隄五十餘里內包七洲計完蘆稞田地三萬餘

畝垵寬二三十里橫擬江心阻遏江流逼水比趨汕刷却穴一帶大隄崩燹關係匪輕迨經熊廷前等呈控飭委該員會縣押毀吳令尤以由縣示令徵費興修不允押毀蕭梓淵所築私垵亦不會勘創毀實屬任意庇護荒謬已極不知沿江淤洲迭奉

諭旨嚴禁私挽垵隄阻遏江流有礙隄防夙經札飭創毀

淨盡豈該縣竟未寓目耶抑有心抗違耶本應詳請揭參姑寬仰候錄案稟明道憲並嚴札申飭吳令除張成老隄數里田地三千餘畝准其照舊歲修外其張成老隄外上下添築新隄上中下三局告示印簿先行撤消該員仍馳赴石首縣坐署守提

荊州萬城隄志

卷八

私隄 成案

三

倡築之李申琨徐鳳翥李霖劉情位等解府押令創毀

同治八年

林方伯飭毀私垵札○同治十二年八月初四日奉撫部院郭批據江陵縣職員熊廷前監生宋文炳生員黃德楨沈英烈呈稱竊荊州大隄爲通省咽喉石邑河道爲洞庭門戶防水患宜先顧荆隄疏江流宜先禁私挽乾隆年間蕭姓窖金洲阻流奉

旨抄沒道光年間奉

上諭洲路似隄形者著地方官

創毀咸豐年間爵閣憲官示禁私挽軍法處洽嗣各大憲札禁

有案近自江陵新淤白沙等洲及石邑蕭梓淵一帶多挽私隄經前府憲方押毀淨盡乃石首縣東北忽被李申琨等沿江隄

挽私隄綿亘四五十里擬立江心抵窄江流夏泛則逼水逆湧
荆隄勢爲莫當職等於同治七年以違例違案私挽阻流等情
叩府叩道均流批委下石不知琨等若何弊朦仍不創毀尤敢
倍築高厚並煽惑各垸首歛費數萬金拴同石邑慣行舞弊之
衙蠹尹宏太賄通上下一氣以致案閣多年終屬虛文隄分兩
岸盡踊故轍則私隄竟等磐石之安而荆隄反深魚鱉之患矣
職等共仰鴻恩敢存一己私見爲此抄粘俯叩作主懇飭委勘
毀私隄則荆隄固辦創修則衆弊銷萬民頂祝等情奉批仰布
政司飭府委員查勘石邑沿江一帶如果違禁挽築私隄即行

荊州萬城隄志

卷八

私隄 成案

三七

押毀具報母任違延貽害切切繪圖粘抄併發等因查該縣濱
江一帶每多挽築私隄以致有礙江流久經專札嚴禁並令於
水涸後逐細勘明何處有礙應毀何處無礙應存分別造具應
存應毀各垸田地若干完納課則册結通實繼復不次札催迄
未勘覆茲奉前批合就札飭該府即便遵照遴委委員前往石
邑會同該令查勘沿江一帶如果違禁挽築私隄阻礙江流即
行押毀具報如刁紳劣監從中把持阻撓務即拿案詳辦事關
水利民瘼毋任違延貽害

同治十二年八月

李制軍嚴禁私挽洲垸示○照得荆江北岸萬城大隄當川江

清江沮漳諸水之衝爲闔郡及下游各州縣保障自乾隆戊申以來屢經發帑修築歲修責之業民而分道府董其役本部堂與撫部院輪年巡防關係甚重近年隄日加高而江身每多淤墊一逢汎漲時出險工推原其故皆由私垸阻遏以致宣洩不暢每年各該縣雖有查勘虛文並未認真毀禁且各垸業民或藉口舊埂無礙江流或報墾申科各圖己便殊不知沿江私垸例禁綦嚴蓋水勢既漲若上游多一尺之阻勢必停蓄旁趨經流壅遏甚至橫決爲害昔年寧金洲之事其明證也若不申明禁令何以固官隄而暢江流合行出示嚴禁爲此示仰荆江南

荊州萬城隄志

卷八

私隄

成案

三六

北兩岸軍民人等知悉自示之後凡沿江私垸有礙江流者無論新舊概行平毀果係遠年古埂僻處偏隅聽民安業惟不得冒名舊冊擅行擴充卽如馬廠淤灘業經納課柴草豆麥取利頗多亦不得打墻築塍以防水路倘敢仍前玩違卽由地方官拏案照例從嚴懲辦決不姑寬各該縣仍遵向章按季親詣查禁於年終取具各洲洲頭並未私挽垸隄甘結加具印結通覽查核本部堂爲保衛田賦民命起見不憚諄諄誥誡爾等慎毋貪小利而貽大患是爲至要

同治十三年

委查各屬私垸札○案奉督部堂李批據該府稟陳萬城

大隄及荆江大概情形由奉批查民間私築垸墻阻遏水勢最爲隄工之害是以久經嚴禁在案該府籌議修防萬城大隄稟請查毀私垸誠爲正本清源之見但僅出示諭毀恐小民貪利忘患陽奉陰違仍屬有名無實仰此布政司卽飭該府就近揀委委員會同各地方官逐細確查分別押毀具報並飭將應修各工一俟水落卽行親往勘估通稟核辦仍候撫部院批示繳摺圖存等因合就札飭該府卽便遵照就近揀委委員會同各該地方官逐細確查分別押毀具報並將應修各工卽行親往勘估通稟核辦等因合行札委該員卽遵照束裝前赴某縣會同某令逐細認真查勘民間私築垸墻如何阻滯江流何垸應行平毀何垸應行停修分別開具清摺通稟核辦一面勒限十日內押令平毀具報本府爲隄工清源起見萬勿視爲尋常具文致干未便

同治十二年

按謝朝徵曰私垸在江隄外者固可慮卽在隄內湖汊支河中者亦足爲害蓋占一尺之地則礙一尺之流設六七月間江漲方深霖雨連綿山泉湧發積水不消內外受敵其爲害豈小哉愚民無知隨淤墮築且多未成垸者始則

業藕久乃成田在在有之是宜預禁

荆州萬城隍志

卷八

私隄 成案

罕



